

Isang Gabay ng Magulang Para sa Pag-unawa sa California Spanish Assessment (CSA)

Maraming paraan para masukat ang pagkatuto ng iyong anak. Ginagamit ng guro ng iyong anak ang mga grado sa report card, gawain sa silid-aralan, mga obserbasyon ng guro, at mga resulta ng pambuonang estadong pagsusulit sa katapusan ng taon para makuha ang kumpletong larawan ng pagkatuto ng iyong anak.

Sino ang Kumukuha ng Pagsusulit na Ito?

Ang lahat ng estudyante sa baitang 3 hanggang 12 ay karapat-dapat na kumuha ng CSA.



Bakit Kinukuha ng mga Estudyante ang Pagsusulit na Ito?

Layunin ng CSA na bigyan ang mga estudyante ng impormasyon sa kanilang kasanayan sa sining sa wikang Kastila sa pagbabasa, pagsusulat, at pagsasalita. Nilalayon ang pagsusulit para sa mga estudyante na gustong masukat ang kahusayan nila sa pagbabasa at pagsasalita sa wikang Kastila.

Kailan Kinukuha ng mga Estudyante ang Pagsusulit na Ito?

Nagdedesisyon ang bawat paaralan kung kailan ito magpapasulit sa tagsibol. Makakatanggap ka ng karagdagang impormasyon mula sa inyong paaralan tungkol sa mga espesipikong petsa at oras ng pagsusulit.

Paano Kinukuha ng mga Estudyante ang Pagsusulit na Ito?

Ang di-inoorasang pagsusulit na ito ay isinasagawa sa computer na nagpapahintulot sa iyong anak na tumugon sa mga tanong sa iba't ibang paraan. Halimbawa, maaaring hilingin sa iyong anak na pumili ng mga sagot o magsulat ng sagot sa tanong.

Anong mga Materyales ang Makukuha?

Magkaka-access ang iyong anak sa mga materyales na kailangan nila kapag kinukuha ang mga pagsusulit na ito, gaya ng zoom in/out feature o highlighter. Tumutulong ang mga materyales na ito para ma-access ng mga estudyante ang pagsusulit at hindi nakakaapekto sa mga iskor ng mga estudyante sa anumang paraan. Pwede mong kausapin ang guro ng iyong anak tungkol sa iba pang makukuhang materyales na maaaring makatulong sa iyong anak.

Paano Ko Matutulungan ang Anak Ko?

- Ipaalala sa iyong anak na gusto mo at ng kaniyang guro na gawin niya ang kaniyang buong makakaya at nariyan ka para tulungan siya sa bawat pagkakataon.
- Magpunta sa [website ng Starting Smarter](#) para mas maunawaan ang Mga Ulat sa Iskor ng Estudyante, suriin ang mga halimbawang tanong, at i-access ang mga materyales para suportahan ang pagkatuto ng iyong anak.
- Kumuha ng praktis na pagsusulit kasama ang iyong anak mula sa [CAASPP at ELPAC Practice and Training Tests web page](#).

Para sa karagdagang impormasyon tungkol sa mga iskor ng iyong anak, makipag-ugnayan sa guro ng iyong anak at/o sa opisina ng paaralan.

